

ՀԱՅԳԱԿԱՆ ԽՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՏԱՐԵԿԱՆ ԸՆԴՀԱՆՈՒՐ ԺՈՂՈՎՐ

Մայիսի 17—18-ին ՀԽՍՀ գիտությունների տկազեմիայի նիստերի ղազլիճում տեղի ունեցավ հանրապետության ԳԱ տարեկան ընդհանուր ժողովը, ժողովին մասնակցում էին ՀԿԿ Կենտկոմի առաջին քարտուղար Ս. Հաբաթյանը, ԽՍՀՄ Մինիստրների խորհրդի նախագահի տեղակալ, ԽՍՀՄ գիտության և տեխնիկայի պետական կոմիտեի նախագահ Բ. Տոլստիխը, ՀԽՍՀ Գերագույն խորհրդի նախագահության նախագահ Հ. Ուկանյանը, ՀԽՍՀ Մինիստրների խորհրդի նախագահ Վ. Մարգարյանը, ՀԿԿ Կենտկոմի քարտուղար Գ. Գալստյանը, ՀԿԿ Երևանի քաղկոմի առաջին քարտուղար Մ. Միճասրեկյանը, ՀԽՍՀ Մինիստրների խորհրդի նախագահի տեղակալ Յու. Խաչատրյանը, ՀԿԿ Կենտկոմի դադափարախոսական բաժնի վարիչ Գ. Ասատրյանը:

Բացելով ժողովը, ՀԽՍՀ գիտությունների ակադեմիայի պրեզիդենտ, ակադեմիկոս Վ. Համբարձումյանը ներկաներին խնդրեց հոտեկայս հարգել Հայաստանի գիտությունների ակադեմիայի ակադեմիկոս Աշոտ Ասլանյանի հիշատակը:

Հայվետու տարին՝ 1988 թ., մեր պատմության դառնություններով, հուզումնալից իրադարձություններով լի, իդձերով հարուստ տարի էր, ներածական խոսքում ասաց Վ. Համբարձումյանը, Երկրում կատարվեցին խորհրդային հասարակության բարեփոխման ուղղությամբ նոր քայլեր: Միության ժողովուրդները հնարավորություն ստացան արտահայտվելու ոչ միայն իրենց հաշտությունների, այլև հոգսերի, ցավի և անհետաձգելի պահանջների մասին: Վերակառուցման և հրապարակայնության շնորհիվ ծնունդ առավ զարաբաղյան շարժումը: Պահանջվեց պաշտպանել զարաբաղյան արգելիքները և սօցիալական ոտնահարված իրավունքները, Արցախի ժողովրդի ազգային ինքնորոշման իրավունքը, վերադարձնել ապօրինաբար, հակասահմանադրական ճանապարհով վերցված Ղարաբաղը: Մեր ակադեմիան վճռականապես արտահայտեց այս հարցի վերաբերյալ իր տեսակետը՝ անվերապահորեն միանալով Արցախի ժողովրդի պահանջին: Այնուհետև պրեզիդենտը անդրադարձավ Ադրբեյջանից Հայաստան եկած

փախստականների հարցին, խոսեց նրանց օգնության ցույց տալու գործում ակադեմիայի հիմնարկների ծավալած աշխատանքների մասին:

Աղետալի երկրաշարժը տարավ հազարավոր մարդիկ, նշեց Վ. Համբարձումյանը, եղա մի նոր, մեծ հարված էր հայ ժողովրդին: Ակադեմիայի կոլեկտիվները մասնակցեցին տուժածներին փրկելու, նրանց օգնություն ցույց տալու գործին: Ցույն հանչյալը կատարում էր այն, ինչ կարողանում էր: Կործանարար երկրաշարժի հետևանքները վերացնելու գործում մեզ օգնության ձեռք մեկնեցին խորհրդային ողջ ժողովուրդը և արտասահմանյան բազում երկրներ: Ակադեմիայի բոլոր ինստիտուտները ակտիվորեն մասնակցեցին այդ օգնության բաշխման գործին: Սակայն արվածը բավարար չէ, աղետալների հոգսերը մշտապես պետք է գտնվեն ուղարկության կենտրոնում: Ակադեմիայի երկրաբանության ինստիտուտում կազմակերպվեց շտաբ՝ երկրաշարժի հետագա ընթացքի ուսումնասիրման համար: Նրանում համախմբվեցին և Միության, և արտասահմանից եկած մասնագետներ: Վ. Համբարձումյանը շնորհակալություն հայտնեց այն օգնության համար, որ ցուցաբերել են խորհրդային Միության գիտությունների ակադեմիան, նրա ղեկավարները, մեծ թվով խորհրդային գիտնականներ, ինչպես և արտասահմանցի սեյսմաբաններ:

Այնուհետև ակադեմիայի պրեզիդենտը համառոտակի կանգ առավ գիտության առանձին բնագավառներում ձեռք բերած նվաճումների վրա: Նա մասնավորապես անդրադարձավ այն հետազոտություններին, որոնք կիրառական կարևոր նշանակություն ունեն. նրանց ակադեմիական աշխատանքի առանձին բնագավառների վերակառուցման մասին: Խոսելով քիմիական գիտությունների մասին, Վ. Համբարձումյանն ասաց, որ ակադեմիան ժամանակին առաջ է քաշել Հայաստանում փոքրատոնած քիմիայի զարգացման անհրաժեշտությունը, որը, ցավոք, հետագա զարգացում չստացավ: Այսօր ծայրահեղ անհրաժեշտ է զարգացնել այդ ուղղությունը, քանի որ դա Հայաստանի համար շատ շահավետ կլինի ինչ-

պես տնտեսական, այնպես էլ էկոլոգիական տեսակետներից:

Վ. Համբարձումյանը անդրադարձավ նաև դիտական հաստատությունների գործունեության մեջ տեղ գտած թերություններին: Նա նշեց, որ մեր օրերում առաջնային խնդիր է մնում դիտական որոնումների ընագավառում ավտոմատացման օգտագործումը, հանրապետության ղեկավարության ուշադրությունը հրավիրեց դիտական սարքավորումների և գործիքների մատակարարման պլանավորման բարելավման հարցի վրա:

Հսկայական խնդիրներ են ծառանում հասարակագետների առջև, վերջում ասաց Վ. Համբարձումյանը: Պատմաբանները, իրավաբանները պետք է ազատագրվեն լճացման տարիների ծանր ծառանգությունից, երբ շատ հրեկոյթներ, պատմական հանգուցային հարցեր, իրավական նորմեր ներկայացված էին ձևախեղված տեսքով:

Ընդհանուր ժողովում ելույթ ունեցավ Հնկ կենտրոնի առաջին քարտուղար Ս. Հաբուսյանը: Վերլուծելով հանրապետությունում ստեղծված իրավիճակն ու դրա պատճառները, նա նշեց, որ տասնամյակներով կուտակված սոցիալ-տնտեսական պրոլեմները, ազգային ինքնագիտակցության պոթկումային դարթոնքն ու կենսային Ղարաբաղի պրոբլեմի դրամատիկ լարդացումը, ավերիչ երկրաշարժը և հարյուր հազարավոր մարդկանց ողբալի վիճակը ստեղծել են անսովոր բարդ իրադրություն: Նման պայմաններում պահանջվում է ուժերի ու կարողությունների գերազույն լարում: շրջադասցություն, խելացի և խիստ կշռադասաված գործելակերպ, միասնություն և համախմբվածություն: Պատմական այս շրջադարձային փուլում մեր ժողովրդի գոյատևման, հանրապետության վերածննդի խնդիրների լուծման հարցում ծանրակշիռ պետք է լինեն գիտությունների ակադեմիայի գործունեությունն ու աշխկցությունը:

Հանրապետությունը լճացման խոր վիճից դուրս բերելու, հասարակական կյանքի բոլոր ոլորտների առողջացման ծրագրային խնդիրների իրականացման մեջ լուրջ շտկումներ մտցրեց ղեկտնմբության արհմիդրքը:

Բնութագրելով երկրաշարժի ավերիչ հետևանքները, դրանց հավթահարման ուղղությամբ ձեռնարկվող միջոցառումները, կարևորելով համայն մարդկության, խորհրդային ողջ ժողովրդի գթասիրտ օգնությունն ու աշակցությունը, Ս. Հարությունյանը առանձնահի ուշադրություն դարձրեց ղեռնա ընդված

պրոբլեմներին ու խնդիրներին, ընդգծեց վերջիններին լուծման գործում հանրապետության գիտական պոտենցիալի առավել արդյունավետ օգտագործման անհրաժեշտությունը: Նըշվեց, որ մայիսի 12-ին Մոսկվայում հորհրդային Միության կոմկուսի Կենտկոմի քաղբյուրոյի հանձնաժողովը և ԽՍՀՄ Միևիստերների խորհրդի Նախագահությունը, շիտակ ու խստապահանջորեն վերլուծելով երկրաշարժի հետևանքների հաղթահարման գործերի ընթացքը, Նախատեսել են մի շարք արմատական միջոցառումներ՝ վիճակը շտկելու, վերականգնողական ու շինարարական աշխատանքներին նոր թափ հաղորդելու ուղղությամբ: Անդրադառնալով 1988 թվականի առաջին խսկ մայիսներից հանրապետությունում տեղի ունեցող իրադարձություններին, Ս. Հարությունյանը ուշադրություն հրավիրեց այն բանին, որ վերակառուցումը, ղեմկրատիան ու հրապարակայնությունը հնարավոր դարձրին հատկապես հիվանդագին, առավել սուր պրոբլեմների՝ բացահայտ վերլուծումն ու քննարկումը, դրանց լուծման ուղիների որոնումը: Նշվեց, որ ազգային հարցին առնչվող յուրաքանչյուր քննարկում, դրոնական յուրաքանչյուր քայլ պետք է արվի կոնկրետ իրավիճակի խոր և գիտական գնահատման, պթառահանգիտանքային կապերի համակողմանի բացահայտման, պատմական անալադիաստարկումների հիման վրա: Միաժամանակ անհրաժեշտ է, որ դարերով ու տարիներով կուտակված ժողովրդի իղձերի ակտիվ դրսևորումը, բուն վերակառուցման շնորհիվ ազգային ինքնագիտակցության ձերբազատումը հասակորեն սահմանազատվեն առանձին անառողջ դրսևորումներից, որոնք անհարիր են ժողովրդի իսկական շահերին:

Երկրի քաղաքական համակարգի արմատական վերակառուցման ընթացքում պետք է գտնվեն ազգային պրոբլեմների լուծման համապատասխան մեխանիզմներ, մշակվեն ազգամիշյան հարաբերություններում վիճելի հարցերի լուծման ղեմկրատական ձևեր: Լեւնային Ղարաբաղում ներկայումս տիրող իրավիճակը թելադրում է, որ Հատուկ կառավարման կոմիտեի գործունեության պայմաններում ռեալ Նախապայմաններ ստեղծվեն մարդի իրական ինքնուրույնությունն ապահովելու համար:

Անդրադառնալով հանրապետության գիտական պոտենցիալի առավել արդյունավետ և Նապատկառալաց օգտագործման խնդիրներին, գիտության արագ ու ղինամիկ դարգացման ներկա պրոբլեմներին, ակադեմիայի գիտա

կան նվաճումներին, Ս. Հարությունյանը նշեց, որ այսուհանդերձ տեղաշարժերը խիստ դանդաղ են, արդյունքները՝ ոչ գոհացուցիչ, իրագրությունն այն է, որ հանրապետությունում գիտություն-արտադրություն, օրգանական կապի, ռեգիոնալ գիտատեխնիկական առաջընթացի կառավարման ամբողջական մեխանիզմ դեռևս չի ստեղծվել, Դրա վկայությունն են գիտական աշխատանքների հստակ կոորդինացման բացակայությունը, մշակումների դանդաղ արմատավորումը, դրանց փոքր հատույցը, գիտատեխնիկական առաջադեմության առաջատար ուղղությունների գծով ավարտուն գործերի սահմանափակ թիվը:

Խնդիր դրվեց առանձնահատուկ ուշադրություն նվիրել հիմնարար և կիրառական գիտությունների իրական հատույցի մեծացմանը՝ հաշվի առնելով Հայկական ԽՍՀ սոցիալ-տնտեսական կյանքում ստեղծված բարդ կացությունը: Շեշտվեց հանրապետությունում էկոլոգիական իրավիճակի արմատական բարելավման գիտական մշակումների, երկրաշարժաբանական լուրջ ծառայության ստեղծման, խորապես հիմնավորված էներգետիկ ծրագրի մշակման, կիրառական մի շարք գիտությունների, այդ թվում՝ բժշկագիտության արագընթաց զարգացման հույս կարևորությունը:

Օրակարգի հարց համարվեց հիմնարար տնտեսագիտական հետազոտությունների ակտիվ ծավալումը, իրջորեն պետք է ձեռնամուխ լինել հանրապետությունում տերիտորիալ տնտեսական հաշվարկի արմատավորման գիտական կոնցեպցիայի մշակմանը:

Երկրաշարժի հետևանքները, բնակչության զանգվածային տեղաշարժերը, դեռևս մինչև վերջ չբացահայտված ժողովրդագրական, սոցիալ-տնտեսական պրոբլեմները, արտադրողական ուժերի զարգացման ու տեղաբաշխման նոր խնդիրները պահանջում են ավանդական լուծումներից բացի փնտրել նաև նոր ուղիներ ու միջոցներ: Այս առումով Ս. Հարությունյանը ուշադրություն հրավիրեց հանրապետությունում ազատ տնտեսական գոտի կազմավորելու գաղափարի գիտական մշակման անհրաժեշտության վրա:

Կարևոր նշանակություն տրվեց սոցիալական հոգեբանության, հասարակական կարծիքի լայն ու խոր ուսումնասիրման կազմակերպմանը:

Լուրջ խնդիրներ դրվեցին պատմագիտության առջև, որը կոչված է վերաիմաստավորել անցյալի շատ էջեր, մաքրել դրանք տարբեր շերտանստվածքներից, խնդաթյունում հերքի: Այդ նկատառումով հանձնարարվել

է, ասաց Ս. Հարությունյանը, հանրապետության պատմաբաններին իրենց հիմնավոր կարծիքը ներկայացնել 1918 թ. մայիսի 28-ի, հայկական պետականության վերականգնման ճագարային դրոշի տեղի ու գերի գնահատման, աղալին-ազատագրական շարժումների, դարասկզբի և 30-ական թվականների մեր պատմության սպիտակ էջերի լրացման վերաբերյալ:

Ս. Հարությունյանը նշեց այն աշխատանքը, որ տանում է ՀԿԿ Կենտկոմը աղալին-մտածողությանը ցուցաբերվող նոր մոտեցման, հայոց լեզվի գործառության կարգավորման, սփյուռքի հետ խորհրդային Հայաստանի կապերի ընդլայնման ուղղությամբ, անդրադարձավ գիտական կադրերի պատրաստման ուղղանց հետ տարվող աշխատանքների, գիտության նյութատեխնիկական բազայի ամրապնդման, գիտական աշխատողների սոցիալական պայմանների բարելավման հարցերին:

Վերջում Ս. Հարությունյանը հույս հայտնեց, որ գիտությունների ակադեմիայի բազմահազարանոց կոլեկտիվը հանրապետության համար այս դժվար ժամանակներում բոլոր ջանքերը կգործադրի խորհրդային Հայաստանում իրադրությունը կայունացնելու և մեր ժողովրդին առաջընթացի նոր բնագիծ դուրս բերելու համար:

Հաշվետու տարում ԳԱ գիտական և գիտակազմակերպչական գործունեության հիմնական արդյունքների մասին զեկուցեց ակադեմիկոս-քարտուղար, Հայկական ԽՍՀ ԳԱ թղթակից անդամ Դ. Սեդրակյանը: Վերականգնումը, ասաց նա, հնարավորություն տվեց հրապարակալնորեն բարձրացնել հիմնական պրոբլեմները, այդ թվում՝ աղալին-հարաբերությունների ոլորտում, Հանրապետության 1988 թ. իրադարձություններում արտացոլվեցին ոչ միայն մեր ժողովրդի բազմամյա ազգային իղձևրը, այլև հանրապետության աշխատավորության լքաղաքական ակտիվության բարձրացումը, նրա լայն շարժումը՝ արմատական վերափոխումների համար, նրա դժգոհությունը հանրապետությունում չլուծված տնտեսական բազմաթիվ պրոբլեմների առկայության համար:

Մասնավորապես, դարաբաղյան շարժումը ծայր առավ երկրում ծավալված կյանքի տարբեր ոլորտներում թույլ արված ստալինյան խեղաթյուրումների դեմ պայքարի հիման վրա: Խորհրդային Հայաստանի հանրապետության կազմավորման վճռորոշ փուլում հակասահմանադրական կարգով 1921 թ. Հայաստանից օտարվեց բացարձակ մեծամասնությամբ հաշվարկային ունեցող Արցախի տարածքը, ու

րը պատմականորեն հղել է Հայաստանի անբաժան մասը: Այդ ազդակող անարդարությունը վերացնելու նշանաբանով 1988 թ. ծավալված պայքարը իր բնույթով այնքան է արդարացի ու հիմնավոր, որ ընթացքի մեջ է առել ժողովրդի ամենալայն զանգվածները՝ ինչպես մեր երկրում, այնպես էլ սփյուռքում:

Ղարաբաղյան շարժման հենց սկզբում ՀԽՍՀ ԳԱ նախագահությունը քննարկեց հանրապետությունում ստեղծված գրությունը և քաղաքական ճիշտ գնահատական տվեց ինչպիսի շարժմանը, այնպես էլ Սումգայիթի զաղա՛նային ոճագործությունը: Այդ հարցերի կապակցությամբ նախագահությունը իր կարծիքը ուղարկեց ԽՍՀՄ Կենտրոնական կոմիտեին՝ ակադեմիկոս Գ. Գալոյանի ղեկավարությամբ պատրաստվեց, քննարկվեց և հրատարակվեց «Լեռնային Ղարաբաղի դրությունը, որտեղ շարադրված են ղարաբաղյան պրոբլեմի պատմական հիմքերը, ԽՍՀՄ ԳԱ-ում անցկացվեցին կոորդինացիոն շտաբը հանդիպումներ՝ պատմաբանների մասնակցությամբ: Մշակված են հ, թեև ղեկավարությամբ, բայց իրականացվում են միջոցառումներ Ղարաբաղի հետ գիտություն, կուլտուրայի և լուսավորության ուղղությամբ կապերի հաստատման համար, մասնավորապես ստեղծված է այդ աշխատանքների կոորդինացիոն խորհուրդ: Անցյալ տարվա սեպտեմբերի 27-ին կայացավ ընդհանուր հատուկ ժողով, որը քննարկեց հանրապետությունում ստեղծված գրությունը՝ կապված ղարաբաղյան շարժման հետ:

Գեղեթմբերի 7-ի աղետալի երկրաշարժը հանրապետությունում դրությունը ավելի բարդացրեց: Մոտ կես միլիոն մարդ ղրկվեց տընից: Պետք է ամեն ինչ արվի անտուն մարդկանց Հայաստանի տարածքում բնակեցնելու ուղղությամբ, օգտագործելով գոյություն ունեցող հնարավորությունները և դատարկ գյուղերը: Այդ ղեկարին օրերին մեր կողքին էին խորհրդային և արտասահմանյան մեր շատ գործընկերները: ԽՍՀՄ ԳԱ պրեզիդենտ, ակադեմիկոս Գ. Ի. Մարչուկը, որը ժամանեց Երևան երկրաշարժի օրերին, հայտնեց ԽՍՀՄ ԳԱ պատրաստակամությունը օգնելու նյութական կորուստների վերականգնմանը և ՀԽՍՀ ԳԱ նյութատեխնիկական բազայի ամրապնդման հարցերում: Խորհրդային և արտասահմանյան տարբեր գիտական խմբեր մեր հանրապետության գիտնականների հետ համաձայնեց, ԽՍՀՄ ԳԱ փոխպրեզիդենտներ Ե. Պ. Վելիսովի և Ն. Պ. Լավյորովի ղեկավարությամբ և անմիջապես մասնակցությամբ անցկացրին կարևոր աշխատանքներ՝ հանրապետության խնդիրները վիճակի վերլուծման, Հայաստանի

ատոմային էլեկտրակայանի սեյսմիկ անվտանգության ուսումնասիրության և աղետի գետում սեյսմիկ միկրոշրջանացման քարտեզների նախապատրաստման ուղղությամբ:

Հայաստանի գիտնականներն իրենց ներդրումը ունեցան հանրապետության ատոմային էլեկտրակայանի փակման նախապատրաստման հարցում:

Ջեկուցողն ասաց, որ հաշվետու տարում տիդի են ունեցել ԳԱ երեք ընդհանուր ժողովներ: Անցած տարվա ղեկտեմբերին տեղի ունեցած ժողովին. որն առնչվում էր և ելույթ երկրաշարժի հետ, մասնակցում էր և ելույթ ունեցավ ԽՍՀՄ Միտիստների խորհրդի նախագահ Ն. Ի. Ռիժկովը: Այս ընդհանուր ժողովը ծրագրային նշանակություն ունեցավ չայ գիտնականների հետագա գործունեության համար: Նշվեցին այն երեք հիմնական պրոբլեմները, որոնց վրա իր ուղարկությունը պետք է կենտրոնացնի ակադեմիական գիտությունը:

Մասնավորապես ընդգծվեց, որ գիտական քաղաքականության մշակման ժամանակ անհրաժեշտ ուղարկություն չի դարձված սեյսմոլոգիայի զարգացմանը, ցածր են հղել հասարակական գիտությունների վերականգնման տեմպերը և կազմակերպական ու բավարարման կարգակի վրա է շրջակա միջավայրի պաշտպանության պրոբլեմների ուսումնասիրությունը: Դրանից ելնելով որոշվեց ԳԱ-ի առաջնահերթ խնդիրը համարել սեյսմոլոգիայի հետագա արագ զարգացումը, որը պետք է իրականացվի ժամանակակից սեյսմիկ կայանների ընդարձակ ցանցի ստեղծումով:

Լուրջ մտահոգություն է պատճառում էկոլոգիական իրադրությունը: Այս ասպարեղում արդյունքները չնչին են: Հիմնական պատճառներից մեկը գործունեության կոորդինացման լրիվ բացակայությունն է: Սեանի տիոու փորձը, ատոմային կայանը, մեծ քիմիայի աննախադեպ ընդարձակումը և շատ ուրիշ օրինակներ պահանջում են հիմնովին գիտակցել հանրապետության ապագայի նկատմամբ մեր գիտնականների պատասխանատվությունը: Միաժամանակ հարկ է նշել, որ նախատեսված ծրագրերի բարձր արդյունավետությունն ապահովելու համար հարկավոր է դրանք բարելավել ֆինանսավորմամբ և նյութատեխնիկական մատակարարումով:

Ձեռյած շատ ղեկար տարվան և աշխատանքի մի շարք ընդհատումներին, այնուհետև ասաց ղեկուցողը, հանրապետության ակադեմիայի գիտական հիմնարկները ընդհանուր առմամբ կատարել են պլանային առաջադրանքները: Հաշվետու տարում հետազոտու-

թյունները տարվել են 387 թվմանների Գծով, որոնցից 135-ը մտել են 32 միութենական, հանրապետական, ուղիղալի, էյուդային ծրագրերի մեջ, Ավարտված է 23 թեմա և կատարված է Հայկական ԽՍՀ տնտեսական և սոցիալական զարգացման պետական պլանի 1988 թ. փուլի 133 առաջադրանք: Ավարտված են մոտ 100 տնտեսականագրային աշխատանքներ, որոնց արդյունքներն ընդունված են պատվիրատուների կողմից: Միջդերատեսչական հանձնաժողովները ներդրման են առաջարկել չորս գիտատեխնիկական մշակումներ: Պայմանագրային աշխատանքների ընդհանուր ծավալը կազմել է 14 միլիոն ռուբլի: Ներկայացված է 140 գյուտարարական առաջարկ: Դրանցից ներդրված են 17-ը, 8-ը առաջադրված են արտասահմանում պատենտավորելու համար:

Զեկուցման մեջ հանգամանորեն վերլուծության ենթարկվեցին մի շարք հիմնարար և կիրառական գիտական արդյունքներ, որոնք ստացվել են Բյուրականի աստիճանային, մասնատրիկայի, ֆիզիկայի կիրառական պրոբլեմների և մի քանի այլ ինստիտուտներում ու գիտական կենտրոններում:

Ակադեմիկոս-քարտուղարը հատկապես ընդգծեց գիտական հիմնարկների առջև ծառացած նոր, բարդ խնդիրները, որոնք պայմանավորված են ողջ երկրորդ համակած վերակառուցմամբ և նոր մտածելակերպի արմատավորմամբ, մեր հանրապետությունում կատարված սոցիալ-քաղաքական տեղաշարժերով, երկրաշարժի հարուցած աղետով: Հստակ երևութի են յայ առումով անհրաժեշտ է դառնում, ասաց նա, վերանայել Հայաստանի 1991—2010 թթ. գիտատեխնիկական առաջընթացի կոմպլեքսային ծրագրերը:

Հասարակական գիտությունների հրատապ պրոբլեմներից են արդի պատմական պրոցեսի խորը և համակողմանի լուսարանումը, անհատի պաշտամունքի հետեանքների վերացումը, ինտերնացիոնալ կապերի ամրապնդմանը նպաստելը, հայ ժողովրդի ազգային-ազատագրական պայքարի գիտական արժեքավորումը, թյուր տեսակետների անաշուտ վերանայումը:

Այնուհետև Դ. Սեդրակյանն անդրադարձավ ակադեմիայի գիտական կապերին, նշեց ակադեմիական մի շարք հիմնարկների ղեկավար կադրերի թարմացման հրատապ խնդիրը, խոսեց երիտասարդ գիտական կադրերի, ասպիրանտների պատրաստման գործում առկա թերությունների և անելիքների մասին:

Զեկուցման շուրջ ծավալվեց մտքերի աշխույժ ու անկաշկանդ փոխանակություն, որին լրացրեց 5—7

մասնակցեցին ՀԽՍՀ ԳԱ ակադեմիկոս Վ. Ղազարյանը, ԽՍՀՄ ԳԱ թղթակից անդամ Ս. Մերգելյանը, հանրապետության ԳԱ թղթակից անդամ Վ. Խաչատրյանը, ակադեմիկոս Ս. Պետրոսյանը, ակադեմիայի անօրգանական և ընդհանուր քիմիայի ինստիտուտի դիրեկտոր Ս. Կառախանյանը, ՀԽՍՀ ԳԱ թղթակից անդամ Յու. Ալեքսանյանը, ակադեմիկոս Ա. Բաբայանը, ՀԽՍՀ դատախազի տեղակալ Հ. Բաղդասարյանը, ՀԽՍՀ ԳԱ ակադեմիկոս Մ. Ներսիսյանը, Արցախի «Ամարաս» բարեգործական ընկերության տնօրեն Վ. Սարգսյանը:

Ժողովում լսվեցին գիտական ղեկուցումներ՝ կապված 1988 թ. երկրաշարժին առնչվող մի շարք պրոբլեմների հետ: ՀԽՍՀ ԳԱ ակադեմիկոս Ա. Գաբրիելյանի, ՀԽՍՀ ԳԱ թղթակից անդամ Ս. Գրիգորյանի ղեկուցումը նվիրված էր Հայկական լեռնաշխարհի հարակից շրջանների սեյսմատեխնիկային, ՀԽՍՀ ԳԱ թղթակից անդամ Ի. Ներսեսյանը և երկրաբանական-հանքաբանական գիտությունների թեմաներ է. Գեոքսկյանը իրենց ղեկուցման մեջ անդրադարձան սեյսմաբանական ուսումնասիրությունների արդյունքներին, իսկ ԽՍՀՄ ԳԱ թղթակից անդամ Ս. Գրիգորյանը խոսեց երկրաշարժի մեխանիկայի մասին:

Մեկնա լճի անտրոպոգեն էվոլյուցիայում և նրա բացասական ազդեցության վերացման ուղիները թեմայով հանդես եկավ կենսաբանական գիտությունների դոկտոր Ռ. Հովհաննիսյանը: ՀԽՍՀ ԳԱ թղթակից անդամ Հ. Սիմոնյանը խոսեց Խորհրդային Հայաստանի պատմության մի քանի հարցերի մասին:

Հայկական ԽՍՀ գիտությունների ակադեմիայի տարեկան ընդհանուր ժողովի մասնակիցները դիմում հղեցին ԽՍՀՄ Կենտրոնի գլխավոր քարտուղար ԽՍՀՄ Գերագույն խորհրդի նախագահության նախագահ Մ. Ս. Գորբաչովին և ԽՍՀՄ Միևիստրների խորհրդի նախագահ Ն. Ի. Ռիժովին լղծում և նրա շուրջը ծավալված իրադրության սրվելու կապակցությամբ:

Ինչպես հայտնի է, ասվում է նամակում, լեռնային Ղարաբաղի աշխատավորների պահանջների արդարացի լուծումը երկրում սկսված վերակառուցման և ղեկավարացման քաղաքականության դրսևորումներից մեկն է: Այն նպատակամղված է պատմական անարդարության վերացմանը: Տասնամյակներ շարունակ ոտնահարվել են հայ բնակչության օրինական ազգային իրավունքները, իրագործվել է մարդի ադրեքանացման քաղաքականություն:

Իրադրությունը կտրուկ սրվեց Սումգայիթ քաղաքում հայերի շարդից հետո: Այդ շարդը, որ համընդհանուր զայրույթ առաջացրեց, ցավոք, դեռ քաղաքական զնահատական չի ստացել:

Լեռնային Ղարաբաղի հայ բնակչությունը և ամբողջ հայ ժողովուրդը, ասվում է նամակում, ըմբռնումով վերաբերվեցին ԼՂԻՄ-ում կառավարման հատուկ ձև մտցնելու ԽՍՀՄ ԳԼ-րագրին խորհրդի նախագահության որոշմանը: Այդ որոշումը արդարացիորեն գիտվում էր որպես առաջին քայլ, որը նպատակադրված է Լեռնային Ղարաբաղի պրոբլեմի վերջնական լուծմանը: Մինչդեռ, անցած ամիսների փորձը ցույց տվեց, որ Հատուկ կառավարման կոմիտեն, անկախ նրա ղեկավարության կամքից, հնարավորություն չունի կատարելու իր վրա զրկված խնդիրը: Ստեղծված իրավիճակում, երբ մարզում փաստորեն վերացվել են կուսակցական և խորհրդային մարմինները, Արցախում չի դադարում հակահայկական կամպանիան, շարունակվում է իրականացվել ազգային խտրականության քաղաքականություն: Դրա բնորոշ դրսևորումն է Ադրբեյջանի մի շարք գործիչների՝ Մ. Ս. Գորբաչովին այս տարվա մայիսի 14-ին ուղղված նամակը, որը հիմնված է փաստերի նենգափոխման վրա:

Ղեկավարվելով ազգերի ինքնորոշման լեռնային սկզբունքով, անհրաժեշտ է Լեռնային

Ղարաբաղը անհապաղ դուրս բերել Ադրբեյջանի վարչական ենթակայությունից:

Ակադեմիայի ժողովը քննարկեց կադակերպական հարցեր: Այդ կապակցությամբ հանդես եկավ Հայաստանի կոմկուսի Կենտկոմի առաջին քարտուղար Ս. Հախումյանը: Վ. Համբարձումյանի պրեզիդենտական ժամկետը լրանալու կապակցությամբ ժողովը որոշեց մեկ տարով երկարաձգել նրա պրեզիդենտական լիազորությունները:

Ժողովը ակադեմիայի փոխպրեզիդենտ ընտրեց Հայկական ԽՍՀ ակադեմիայի ակադեմիկոս Գ. Սարգսյանին:

ՀԽՍՀ ԳԱ տարեկան ժողովում տեղի ունեցավ հանրապետության գիտությունների ակադեմիայի պատվավոր ԳԱ պարգևների հանձնման հանդիսավոր արարողություն: «Մեծարման գիր» հանձնվեց ՀԽՍՀ գիտությունների ակադեմիայի ակադեմիկոս Ա. Հովհաննիսյանին: «Վաստակագիր» ստացան ՀԽՍՀ ԳԱ թղթակից անդամ Կ. Ղաբազյանը, Կիլիսոփայական գիտությունների դոկտոր, պրոֆեսոր Ս. Թովմասյանը, պատմական գիտությունների դոկտոր Հ. Բաբրիկյանը, երկրահանքաբանական գիտությունների դոկտոր Ս. Գրիգորյանը, ֆիզիկամաթեմատիկական գիտությունների թեկնածու Ա. Գալյանը: Գիտահետազոտական արդյունավետ գործունեության համար մի խումբ գիտական աշխատողների հանձնվեցին գովաստագրեր:

ՀԽՍՀ ԳԱ ՊԵՏԾՈՒԹՅԱՆ ԵՎ ՏՆՏԵՍԱԳԻՏՈՒԹՅԱՆ ԲԱԺԱՆԾՈՒՆՔԻ ՏԱՐԵԿԱՆ ԺՈՂՈՎԸ

Մայիսի 15-ին տեղի ունեցավ ՀԽՍՀ ԳԱ պատմության և տնտեսագիտության բաժանմունքի տարեկան ժողովը: Բաժանմունքի 1988 թ. գործունեության հիմնական արդյունքների մասին հաշվետու զեկուցմամբ հանդես եկավ պատմության և տնտեսագիտության բաժանմունքի ակադեմիկոս-քարտուղար, ՀԽՍՀ ԳԱ ակադեմիկոս Բ. Առաքելյանը: Բաժանմունքի և նրա գիտական հիմնարկների աշխատանքները 1988 թ. ընթացքի են ծանր իրադրությունների՝ մեր կրկրին և ժողովրդին բաժին ընկած արհաւիրքների, ողբերգությունների պայմաններում, ասաց նա: Ղարաբաղյան շարժումը, Սումգայիթում տեղի ունեցած կոտորածը խորապես հուզեցին նաև զատմաբաններին և նրանց առջև դրեցին հրատապ խնդիրներ՝ փաստաթղթերի կազմում, Լեռնային Ղարաբաղին նվիրված գրքույկի հրատարակում, հանդիպումներ Մոսկվայում և այլուր, շնորհիվ Սումգայիթի անցքերին քաղաքական զնահատական և հանցավորների

դատավարությանը արդարացի և ճիշտ ընթացք տալու նպատակով: Մտահոգում է հուզում է «Ղաբաբաղ» կոմիտեի բանտարկության անօրինականության գիտակցումը, հայերի և ադրբեյջանցիների գործունեության համար անհավասար պայմանների և վիճակի առկայությունը (միտինգներ և ցույցեր Բաքվում, սահմանափակումներ Երևանում, բուհիաթովյան, անարյան հակահայկական կոնցենցիայի սատարում, պատմական սկզբնաղբյուրների կեղծում, հայատյաց գրքերի և հողվածների հրապարակում Բաքվում): Այս ամենին ավելացան ահավոր երկրաշարժի աղետն ու արհավիրքը, հազարավոր մարդկային զոհեր, քաղաքների ու գյուղերի կործանումը: Թեև դադարեցվեց ատոմակայանի աշխատանքը, բայց հանրապետությունում տիրում է էկոլոգիական ծանր վիճակ, դրան գումարվում են թունավորումների բազմաթիվ դեպքեր: Հասկանալի է, որ մեր ժողովուրդը, այդ թվում և գիտնականները աշխատել են հոգեբանական տագնապի՝ ստրեսի,

պայմաններում, Այս ամենով հանդերձ գիտական աշխատանքը մնում էր բաժանմունքի հիմնարկների և գիտական աշխատողների հիմնական պարտքն ու պարտականությունները, և ինչ-որ բան արված է:

Բ. Առաքելյանը հանգամանորեն խոսեց բաժանմունքի հիմնարկների՝ տնտեսագիտության, պատմության, հնագիտության և ազգագրության, արևելագիտության ինստիտուտների, սփյուռքահայ համայնքների պատմության և մշակույթի բաժնի, հասարակական գիտությունների գիտական ինֆորմացիայի կենտրոնի, բաժանմունքի և նրա ղեկավարի գործունեության մասին: Ակադեմիկոս-քարտուղարն ասաց, որ բաժանմունքի հիմնարկները հրատարակել են 30 գիրք, նաև մեծ քանակությամբ գիտական հոդվածներ տեղական և միութենական մամուլում: Ինստիտուտները գործել են նյութատեխնիկական ոչ բավարար վիճակում, շին կարողանում օգտագործել նորագույն տեխնիկա և դրանց հետ կապված մեթոդները: Միանգամայն անմխիթար էր ակադեմիայի տպարանի վիճակը:

Ձի կարելի հաշտվել պատմական գիտության վերակառուցման, անհատի պաշտամունքի ժամանակաշրջանում թույլ տրված սխալների և թերությունների վերացման անվճար կան և դանդաղ ընթացքի հետ, շարունակեց Բ. Առաքելյանը: Անհրաժեշտ է վերլուծական քննությամբ շտկել թերություններն ու սխալները և նոր խնդիրներ առաջադրել գիտական հաստատություններին և գիտնականներին: Ակադեմիկոս-քարտուղարը մի շարք հետաքրքիր ու որոշակի առաջարկություններ արեց (պատմական գիտության վերակառուցումը իրականացնել ըստ պատմական հաջորդական դարաշրջանների, սփյուռքի գիտական օջախների և առհասարակ սփյուռքի հետ կապված հարցերի շրջանակների ընդլայնում, գիտնականների ավագ սերնդի հրատարակած, մասնավոր ձեռագիր գործերը գիտական շրջանառության մեջ դնելը, ակադեմիական և համալսարանական պատմագիտության ակտիվացում, պատմաբանների ընկերության ստեղծում, գիտնականի տան հիմնում, խոստովանելի, բանիմաց կադրերի պատրաստում և այլն), որոնք բխում են ժամանակի և մեր ժողովրդի առջև ծառացած խնդիրների լուծման պահանջից: Վերջում Բ. Առաքելյանը նշեց, որ ակադեմիան պետք է ակտիվ մասնակցություն ցուցաբերի համաժողովրդական-հասարակական բոլոր խոշոր միջոցառումների մշակման և կիրառության հարցերում:

Ժողովում «Անթափոն արտադրությունը քննության պահանջների կարևորագույն պայ-

մանն է» թեմայով զեկուցում կարդաց ՀեՍՀ ԳԱ ակադեմիկոս Ա. Առաքելյանը:

Բաժանմունքի 1988 թ. գործունեության արդյունքների քննարկմանը մասնակցեցին ՀեՍՀ ԳԱ ակադեմիկոսներ Մ. Ներսիսյանը, Ա. Հովհաննիսյանը, ՀեՍՀ ԳԱ թղթակից անդամներ Վ. Խաչաթրյանը, Հ. Միմեջյանը, Հ. Ավետիսյանը, Վ. Բաբխուջյանը, պատմական գիտությունների դոկտորներ Ռ. Սահակյանը, Ա. Միմեջյանը, Խ. Բաբխուջյանը: Նրանք հավանություն տվեցին հաշվետու զեկուցմանը, բաժանմունքի 1988 թ. գործունեությանը հատեցին բավարար լույս ունեցողները հանգամանորեն խոսեցին պատմական գիտության վերակառուցման, պատմության պարբերացման վերանայման, պատմաբանների ընկերություն ստեղծելու, թուրք և ադրբեջանցի կեղծարարներին արժանի հակահարված տալու անհրաժեշտության և այդ նպատակով տարբեր լեզուներով մեր ժողովրդի պատմությունը «Հայաստանի պատմություն» խորագրով հրատարակելու, պատմական գիտության թեմատիկան կտրուկ փոփոխելու և այսօրվա պահանջներին համահունչ դարձնելու մասին: Նշվեց, որ ոչ միայն հարկ է անդրադառնալ պատմության «սպիտակ բծերին», այլև նորովի դրել բազմաթիվ հարցեր, «լեռնային Ղարաբաղ» պատմական ակնարկ-գրքույկը հայերեն և օտար լեզուներով թարգմանել և մեծ տպագրանակով հրատարակել: Ելույթ ունեցողները շեշտեցին, որ դարաքաղյան շարժումը վերակառուցման արդյունք էր, համաժողովրդական շարժում, և որ մեր գիտությունը դրան պետք է տա գիտական պատասխան, նշեցին, որ պատմաբանները մեծ պարտք ունեն ժողովրդի առաջ, պետք է միավորել բոլորի ուժերը և համատեղ պայքարել բուհականության դեմ, հարկ է սկզբնաղբյուրների օգտագործումով ապացուցել, որ ադրբեջանցիները ոչ միայն հայերից, այլև մյուս հարևան ժողովուրդներից (օրինակ՝ պարսիկներից) յուրացրել են ազգային ու հոգևոր մշակույթի արժեքներ և մերկացնել նրանց քաղաքականության այդ կողմը ևս: Նկատվեց, որ Հայաստանի Գերագույն խորհուրդը պետք է հարց բարձրացնի երկրի ղեկավարության առաջ և պահանջի լեզվալ համարել Մոլոտովի և մյուսների հայտարարությունները, որոնք շոշափում են հայ ժողովրդի կենսական շահերը: Խոսվեց նաև Հայաստանի էկոլոգիական վիճակի, հանրապետությունը ազատ տնտեսական գոտու վերածնունդ և տնտեսական ազատ գործունեություն ծավալելու մասին: Մի շարք համոզիչ նկատառումներով հարց բարձրացվեց 1992 թ. Հայաստանում և լեռնային Ղարաբաղում նոր

մարդահամար անցկացնելու մասին, նշվեց մասսայական ինֆորմացիայի միջոցների պասիվությունը համադրվելով խնդիրների ու հարցերի բարձրացման գործում, շեշտվեց, որ հայ պատմաբանները միահամուռ պաշտպանում

են մայիսի 5-ին Մ. Ս. Գորբաչովին ուղղված դարաբաղյան «Բաց նամակը» և այլն: Մտքերի փոխանակությունն ամփոփեց Բ. Առաքելյանը:

ՀԽՍՀ ԳԱ ՓԻԼԻՍՈՓԱՑՈՒԹՅԱՆ ԵՎ ԲԱՆԱՍԻՐՈՒԹՅԱՆ ԲԱԺԱՆՄՈՒՆՔԻ ՏԱՐԵԿԱՆ ԺՈՂՈՎՐ

Մայիսի 16-ին տեղի ունեցավ ՀԽՍՀ ԳԱ փիլիսոփայության և բանասիրության բաժանմունքի տարեկան ժողովը: Բաժանմունքի 1988 թ. գործունեության հիմնական արդյունքների մասին հաշվետու զեկուցմամբ հանդես եկավ փիլիսոփայության և բանասիրության բաժանմունքի ակադեմիկոս-քարտուղար, ՀԽՍՀ ԳԱ ակադեմիկոս Գ. Բրուտյանը: Հաշվետու տարում բաժանմունքն անց է կացրել 1 ընդհանուր ժողով և բյուրոյի 18 նիստ, ասաց նա: Շարունակվել են աշխատանքները ԽՄԿԿ XXVIII համագումարի, ԽՄԿԿ Կենտկոմի հետագա պլենումների որոշումների կենսագործման ուղղությամբ: Այդ որոշումների, ինչպես և համամիութենական XIX կուսակցական կոնֆերանսի նյութերի լույսի ներքո վերանայվել և ճշգրտվել են բաժանմունքի գիտահետազոտական պլանները: Քննարկվել և հաստատվել են բաժանմունքի ինստիտուտների առաջնահերթ ուղղությունները, ԿԿ Կենտկոմի սեպտեմբերյան (1988 թ.) պլենումի որոշումների կատարման ուղղությամբ միջոցառումները: Հաշվետու ժամանակաշրջանում բաժանմունքի բյուրոն քննարկել է մի շարք գիտակազմակերպական հարցեր. բաժանմունքի ինստիտուտների 1989 թ. գիտահետազոտական պլանները, 1989 թ. սոցիալիստական երկրների գիտական կազմակերպությունների հետ համագործակցության և կապիտալիստական ու զարգացող երկրների գիտական կազմակերպությունների հետ միջազգային գիտական կապերի վերաբերյալ միջոցառումների մասին առաջարկները, ասպիրանտների ատեստացիան և այլն: Բաժանմունքի բյուրոյի 1988 թ. դեկտեմբերի 21-ի նիստում քննարկվել են բաժանմունքի, նրա ինստիտուտների, կոորդինացիոն և գիտական խորհուրդների և ընկերությունների 1988 թ. գործունեության հաշվետվությունները, և դրանց գործունեությունը գնահատվել է «բավարար»:

Զեկուցողը հանգամանորեն ներկայացրեց փիլիսոփայության և բանասիրության բաժանմունքի ինստիտուտներում, գիտական խորհուրդներում ձեռք բերված կարևոր արդյունքները, նշեց, թե ինչ պրոբլեմների ուղղությամբ են ընթացել հետազոտությունները փիլիսոփա-

յության և իրավունքի, հոգեբանության, բանասիրության և արվեստի բնագավառներում: Այնուհետև Գ. Բրուտյանը անդրադարձավ ինստիտուտներում ձեռք բերված արդյունքներին, թվարկեց այն թեմաներն ու պրոբլեմները, որոնցով զբաղվում են գիտական աշխատակիցները: Բաժանմունքի ինստիտուտների գծով 1988 թ. հրատարակվել է 15 դիրք, որից 7-ը՝ փիլիսոփայության և իրավունքի ինստիտուտի, 6-ը՝ Մ. Արենդյանի անվան դրականության լինստիտուտի, 2-ը՝ արվեստի ինստիտուտի կողմից: Հ. Աճառյանի անվան լեզվի ինստիտուտի գծով որոշ գրքեր հաշվետվություններ ներկայացնելու պահին գտնվել են տպագրության պրոցեսում: Ինստիտուտների գծով շուրջ 20 աշխատանք գտնվում է հրատարակության պրոցեսում: Բաժանմունքի ինստիտուտներում կատարվել է հետևյալ կառուցվածքային փոփոխությունը. 1988 թ. հունվարից ՀԽՍՀ ԳԱ արվեստի ինստիտուտի ՀԽՍՀ պատմության և մշակույթի հուշարձանների համահավաքի խմբի հիման վրա ստեղծվել է ՀԽՍՀ ԳԱ նախագահությանն առընթեր ՀԽՍՀ պատմության և մշակույթի հուշարձանների համահավաքի բաժին: Արվեստի ինստիտուտի դիրեկտոր, բանասիրական գիտությունների դոկտոր Լ. Հ. Հախվերդյանը «Պարույր Սևակ» գրքի համար պարգևատրվել է Հայաստանի գրողների միության Մ. Նալբանդյանի անվան մրցանակով:

Այնուհետև Գ. Բրուտյանը հանգամանորեն խոսեց Լեոնային Ղարաբաղի իրավիճակի մասին, մանրամասն անդրադարձավ Արցախի հետ մշակութային կապերին, դեպուտատական ընտրությունների կարգին, նշեց դեմոկրատացման և հրապարակախոսության բնագավառում հանրապետությունում և մասնավորապես ակադեմիայում տեղ գտած թերությունները:

Բաժանմունքի իսկական անդամների և թղթակից անդամների 1988 թ. գործունեության հիմնական արդյունքների մասին զեկուցեց փիլիսոփայության և բանասիրության բաժանմունքի ակադեմիկոս-քարտուղարի տեղակալ, ՀԽՍՀ ԳԱ ակադեմիկոս Գ. Զաքեովյանը:

Փիլիսոփայության, բանասիրության և արվեստի բնագավառներում հանրապետություն

բուհերի 1988 թ. հետազոտությունների արդյունքներին և կոորդինացիայի խնդիրներին անդրադարձավ բաժանմունքի ակադեմիկոս-քարտուղարի տեղակալ, ՀԽՍՀ ԳԱ ակադեմիկոս է. Զրբաշյանը:

Զեկուցումների շուրջ ծավալված մտքերի աշխույժ ու անկաշկանդ փոխանակությանը մասնակցեցին ՀԽՍՀ ԳԱ ակադեմիկոսներ է. Զրբաշյանը, է. Աղայանը, ՀԽՍՀ ԳԱ թղթակից անդամներ Հ. Թա՛մրազյանը, է. Արայանը, Վ. Բա՛րխուդարյանը, բանասիրական գիտությունների դոկտորներ Ալ. Զա՛րաբյանը, Ա. Նզիա՛զաբյանը, Լ. Հա՛խվերդյանը, փիլիսոփայական գիտությունների դոկտոր Լ. Կա՛րապետյանը, Ս. Դա՛վյաճյանը: Նրանք հավանություն տվեցին հայվետու զեկուցմանը, բաժանմունքի 1988 թ. գործունեությունը դնահամաձայն բավարարելու ռենգողները խոսեցին ակադեմիային վաճել տպարանի անհրաժեշտության, ակադեմիական թերթի հիմնադրման, մասսայական ինֆորմացիոն միջոցների տեղեկատվական աղավաղումների առաջն առնելու, 1988 թ. նոյեմբերին կայացած ՀԽՍՀ Գերագույն խորհրդի նստաշրջանի ընդհատման և ապա Ալ. Մագնդիարյանի անվան օպերայի և բալետի ակադեմիական թատրոնի շենքում տեղի ունեցած նստաշրջանը անօրինական համարելու փաստի վերաբերյալ, ՀԽՍՀ Գերագույն խորհրդի նստաշրջան հրավիրելու անհրաժեշտության, Մուսդայիթի ոճրագործությանը քաղաքական գնահատական տալու և դատավարությունը այդ լույսի տակ անցկացնելու, Լեոնա՛յի, Ղարաբաղում հատուկ կառավարման ստատուս սահմանելու և մարզի կենտրոնա-

կան մարմինների՝ մարզկոմի և մարզխորհրդի վերացման սխալ լինելու, Լեոնային Ղարաբաղը ադրբեջանացնելու քաղաքականության, Վա՛րաբաղա կոմիտեի անդամների ձերբակալության և նրանց ազատ արձակելու մասին: Շեշտվեց, որ ազգային հարցերը չի կարելի լուծել պատժիլ միջոցներով, և որ նման դեպքերում ազդը պետք է պաշտպանի իր իրա՛վունքները: Նշվեց նաև, որ պետք է արժանի հակահարված տալ հայ և անվանի այլ գիտնականների դեմ մամուլում ադրբեջանցիների հրապարակումներին, պաշտպանել հայ հոգե՛վոր և նյութական մշակույթը նրանց ոտնձգությանը: Միջին Ասիայի հայերի պաշտպանության համար կատարել պաշտոնական ակցիա, վերացնել ստալինյան ավտոնոմիզացիան և հասնել լենինյան ֆեդերացիայի ամրապնդմանը, մշակել ազդային ծրագիր, հանրապետության ղեկավարության և ժողովրդի, մտավորականության և ժողովրդի միջև առկա վիճը վերացնել: Մտքերի փոխանակություն ամփոփեց Գ. Բրուտյանը:

Ժողովում լսվեցին զեկուցումներ Իրավաբանական գիտությունների դոկտոր Վ. Ստեփանյանի զեկուցման թեման էր «Սոցիալիստական իրավական պետության ձևավորման հարցերը», բանասիրական գիտությունների դոկտոր Ն. Պա՛ռնասյանինը՝ «Ժամանակակից գրական հայերենի կազմավորման ընթացքը», Ճարտարապետության թեման էր Կ. Բա՛լյանի զեկուցումը նվիրված էր նրանի պատմական կենտրոնի և նրա զարգացման խնդիրներին: